

AUGLÝSING**um gjald fyrir afnot stöðumælareita í Reykjavík.**

Samkvæmt heimild í 65. gr. umferðarlaga nr. 40 23. apríl 1968 hefur eftirfarandi verið ákveðið:

Frá og með 29. ágúst n. k. verður gjald fyrir afnot stöðumælareita á Laugavegi fimm krónur fyrir hverjar byrjaðar 15 mínútur.

Lögreglustjórnin í Reykjavík, 27. ágúst 1969.

Sigurjón Sigurðsson.

Nr. 175.

3. september 1969.

AUGLÝSING**um gjald fyrir afnot stöðumælareita í Reykjavík.**

Samkvæmt heimild í 65. gr. umferðarlaga nr. 40 23. apríl 1968 hefur eftirfarandi verið ákveðið:

Frá og með 5. september n. k. verður gjald fyrir afnot stöðumælareita í Skólavörðustíg fimm krónur fyrir hverjar byrjaðar 15 mínútur.

Lögreglustjórnin í Reykjavík, 3. september 1969.

Sigurjón Sigurðsson.

Nr. 176.

1. júlí 1969.

AUGLÝSING**um umferð í Kópavogskaupstað.**

Samkvæmt heimild í 2. mgr. 65. gr. umferðarlaga nr. 40/1968, og að fengnum tillögum bæjarstjórnar Kópavogs, eru stöður bifreiða bannaðar á götunum Vogatunga—Dalbrekka.

Bæjarfógetinn í Kópavogi, 1. júlí 1969.

Sigurgeir Jónsson.

Nr. 177.

27. júní 1969.

AUGLÝSING**um umferð í Kópavogskaupstað.**

Samkvæmt heimild í 4. mgr. 65. gr. umferðarlaga nr. 40/1968 og vegna framkvæmda, sem nú standa yfir við lagningu nýs Hafnarfjarðarvegar (Reykjanesbrautar), verða á tímabilinu frá 1. júlí 1969 til 31. október 1969 sett ýmiss konar

bráðabirgðaákvæði um akstur og umferð á Hafnarfjarðarvegi (Reykjanesbraut) frá bæjarmörkum Reykjavíkur og Kópavogs að mótum Hlíðarvegar, og á Vogatungu—Dalbrekku frá Nýbýlavegi að tengingu Vogatungu við Hafnarfjarðarveg svo og tengigötu milli Hafnarfjarðarvegar og Vogatungu—Dalbrekku á móts við Auðbrekku. Bráðabirgðaákvæði þessi verða ekki auglýst hverju sinni, heldur birt með umferðarmerkjum og umferðarstjórn samkvæmt 1. mgr. 65. gr. laga 40/1968.

Öll gildandi ákvæði um stöðvunarskyldu, biðskyldu, bann við stöðvun og stöðu ökutækja og bann við framúrakstri á götum þessum haldast þrátt fyrir væntanleg bráðabirgðaákvæði um umferð samkvæmt auglýsingu þessari, þó með þeirri undantekningu að bann við framúrakstri gildir ekki á þeim hlutum ofangreindra gatna, sem einstefnuakstur verður ákveðinn á á framangreindu tímabili 1. júlí til 31. október 1969.

Bæjarfógetinn í Kópavogi, 27. júní 1969.

Sigurgeir Jónsson.

22. september 1969.

Nr. 178.

AUGLÝSING

um almannaskráningu við flutninga milli Íslands og annarra Norðurlanda.

1. gr.

Ákvæði þessarar auglýsingar taka til þeirra, sem flytja til Íslands frá Danmörku, Finnlandi, Noregi eða Svíþjóð, eða frá Íslandi til einhvers þessara landa, og gilda þau jafnt um útlendinga sem Íslendinga.

Ákvæði þessarar auglýsingar taka ekki til þeirra, sem flytja milli Íslands annars vegar og Færeyja eða Grænlands hins vegar.

2. gr.

„Hlutaðeigandi skráningaryfirvald“ í þessari auglýsingu er:

Í Danmörku skráningarstofa viðkomandi sveitarstjórnar,

Í Finnlandi sá aðili, sem færir viðkomandi almannaskrá (kirkjubækur, borgarskrá og félagsmannaskrár sértrúarflokka).

Í Noregi forstöðumaður viðkomandi skráningarstofu.

Í Svíþjóð viðkomandi prestur.

3. gr.

Við ákvarðanir um, hvort einstaklingur skuli teljast búsettur í landi, sem hann flytur til, eða ekki, skal fylgja lögum þess lands.

4. gr.

Sá, sem flytur til Íslands frá einhverju hinna Norðurlandanna, skal innan 7 daga afhenda viðkomandi sveitarstjórn (í Reykjavík Manntalsskrifstofu) samnorrænt flutningsvottorð (internordisk flyttest), gefið út af hlutaðeigandi skráningaryfirvaldi í brottflutningslandinu, og fylgi vottorðinu útfyllt eyðublað undir samnorræna flutningsboðun (internordisk flyttestbevis).

Sveitarstjórn framsendir Þjóðskránni jafnóðum gögn þau, er um ræðir í fyrri málsgr. þessarar gr., og tekur hin síðar nefnda ákvörðun um skráningu, sbr. 3. gr. Telji Þjóðskráin, að um skráningarskyldan flutning sé að ræða, gefur hún út flutningsboðun á eyðublaði því, sem fylgir vottorðinu, og sendir hana hlutaðeigandi